



UNIVERSITÄTS-  
BIBLIOTHEK  
PADERBORN

**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Qvæstio VI. De bonitate Dei.

---

[urn:nbn:de:hbz:466:1-73915](#)

videndi, visibilitas verò est ratio sub qua terminat, A & penes quam attenditur unitas specifica talis potentia, ut q. i. explanatur est. Quando ergo Diuus Thomas art. 1. huius questionis, ac alibi affirmat, rationem boni in eo positam esse, quod sit appetibile, intelligendus est de appetibili, non quoad significatum formale, sed quoad fundamentum proximum appetibilitatis, ut Caetanus & Ferrariensis expoununt: vel (ut iudicem etiam interpretantur) loquitur de ratione boni extrinseca, & que se habet ad bonum ut passio ad suum subiectum, quod etiam aperte inuit idem D. Thomas ad initium primi Ethicorum.

*Bonū ratiō  
non includit  
rationē finis.  
Bonū ratiō  
nō habet ne-  
cessitatem ad  
succidit ratiō-  
nē finis,  
nisi sermo sit  
de fine, aī  
aut potestia.*

Quod attinget ad rationem finis, eadem 1. 2. loco citato ostendimus, non esse de essentia boni, sed esse rationem quamdam illi superuenientem, ab eo formaliter distinctam. Bonum namque dicit rationem conuenientis: finis verò dicit habitudinem ad medium, quod in finem ipsum ordinatur: in modo verò necessarium non est, ut semper ratio boni adiungat rationem finis, nisi forte sermo sit de fine, ut comprehendit tam finem actu, quam finem potentia. Si namque Deus statisset nihil omnino creare, sua essentia rationem haberet boni & conuenientis, in qua sibi complaceret, & quam diligenter, & tamen non haberet rationem finis actu, eò quod nihil esset, comparatione cuius haberet rationem finis. Neque enim actus voluntatis creatae semper ordinatur tamquam in finem in rem, quam vult, ut 1. 2. loco citato latè ostendimus, ita ordinatur actus voluntatis diuinæ, qui nullius rei comparatione habere potest rationem effectus, etiam in generi cause finalis. Quando ergo D. Thomas sapè innuit, finem & bonum esse idem formaliter, id non est accipiendo de fine formaliter, sed de fundamento illius, pro eo quod exercet rationem finis comparatione actus voluntatis, aut meliorum, quae per actum voluntatis in finem ipsum ordinantur: hoc enim est ipsum bonum, ut 1. 2. loco citato exposuimus cum Caetano ibidem, & cum Ferrariensi 3. contraria gentes c. 17.

## QVÆSTIO VI.

De bonitate Dei.

## DISPUTATIO I.

*Vitrum Deus ita sit summum bonum, ut crea-  
tura cum eo sumpta non efficiat  
maius bonum.*

**D**EBUS disputationibus comprehendum, quæ maioris videbuntur momenta tota hac questione 6. Atque in primis Deum non solum bonum, sed etiam summum esse bonum, aperte colligitur ex iis quæ diximus duabus questionibus precedentibus. Cum enim unumquodque tantum habeat bonitatem, quantum habet entitatis & perfectionis, ut questione precedente explicatum est: atque questione quarta ostensum sit, Deum non solum esse perfectissimum omnium entium, sed etiam eminenter continere perfectiones omnium aliarum rerum, manifestum est, Deum non solum esse bonum, sed etiam summum esse bonum. Idem constat ex Scripturis sanctis: Psalmo namque 117. dicitur, *Consumini Domino, quoniam bonus.* & Psalmo 144. *Magnitudinis eius non est finis:* cum autem in Deo non

sit quantitas molis, consequens est, ut sermo sit de quantitate perfectionis, quam Regius yates eo loco assertit esse infinitam, ac proinde summanam.

Obicit aliquis: Deus & mundus hic, quem cernimus, simul coniuncti sunt quid melius ac proinde maius quoddam bonum, quam sit solum Deus: ergo Deus non est summum bonum. Consequens perspicua est: antecedens verò probatur, quoniam complexum hoc, *Deus & orbis,* includit Deum, & addit orbem, qui habet bonitatem formaliter & realiter distinctam à bonitate diuina: ergo efficiet quid melius; bonumque quoddam maius ex virtute coniunctum.

*Durandi  
sententiā re-  
gatur.  
Deus & orbis  
suum, sunt  
plura bona  
secundū nu-  
merum, non  
tamē maius  
bonumque  
Deus solus.*

Durandus in 1. dist. 44. q. 3. concedit, Deum & orbem esse quid melius: & ob id maius quoddam bonum extensus, quam sit solum Deus. Hic tamen modus loquendi nullatenus est admittendus, licet admitti posset esse plura bona secundum numerum. Ratio est, tum quia finitum additum infinito non efficit maius, ut ostendimus 3. lib. Physicorum, dum de infinito erat sermo: quod maximum verum est de infinito simpliciter, omnique ex parte illimitato, ut est Deus. Tum etiam quia illud idem, quod orbis addit, est eminenter in ipso Deo: ea namque ratione Deus solus sine creaturis Exod. 33. dicitur *omne bo-  
num,* quod carum bonitatem in *le ipso p̄dhabeat.* Præterea, iuxta modum loquendi Durandi admittendum esset, Christum Deum & hominem, esse quid melius & perfectius Patre, & Spiritu sancto, quod (ne dicam impium) temerarium & periculum efficit assertere.

Accedit ad hanc sententiam Diuus Thomas 1. 2. quest. 33. articulo 3. ad secundum, quo loco docet, optimum simpliciter per cuius participationem omnia sunt bona, ut est Deus, nullius boni additione fieri melius: in aliis vero bonis generaliter verum est, quodlibet eorum additione alterius boni fieri melius. & tertio Sententiarum dist. 6. quest. 2. articulo tertio ad primum, ubi docet, licet in Christo bonum increatum nature diuinæ, & bonum creaturæ naturæ humanae sint plura bona, quim sola natura diuina, coniunctum tamen ex virtute naturæ, non efficit maius bonum neque melius sola natura diuina. Cuius rei duplice rationem reddit. Prima est, quia bonum creatum habet se ad incrementum tamquam punctus ad lineam, quatenus neutrum proportionem habet ad alterum: quare, inquit, sic punctum additione linea non efficit maius, ita neque natura humana addita diuina efficit maius aut melius. Atque hæc est prima ratio, quam nos reddidimus, nempe quod finitus additum infinito non facit maius.

Secunda ratio est, quia bonum naturæ humanae ut & ceterarum rerum creaturarum, est in Deo eminenter, quia de causa Exodi 33. appellatur *omne bonum,* & ob id fieri illi nequit additione boni, quod in se ipso non prehabeat. Atque hæc est secunda ratio quam nos reddidimus. Consonat etiam cum hac sententia Augustinus lib. 6. de Trinitate capite 8. dum ait: *Cum creatura adhærebit creatori, illa fit maior, quam erat, non ille.*

## DISPUTATIO II.

*Vitrum solus Deus bonus sit per essentiam.*

Pro explanatione huius rei sciendum est, nos posse loqui, aut de bonitate integra & perfecta rei, quo pacto includit existentiam, & omnia alia attributa, non solum essentialia, sed etiam accidentalia debita tali rei, vel de bonitate, ut perfectam &

*Deus solus est bonus per essentiam.*

imperfectam complectitur. Si loquamur de bonitate perfecta, tunc clarum est, solum Deum esse bonum per essentiam: quoniam in eo solo existentia, atque alia attributa realia ipsi debita, sunt formaliter sua essentia, in creaturis vero existentia & alia attributa distinguuntur formaliter ab essentia, quo sit, ut nulla res creata sit integræ & perfectæ bona per suam suam essentiam. Si vero loquamur de bonitate, ut perfectam & imperfectam comprehendit, est maior difficultas: quoniam cum essentia rei creata præcisè considerata ab existentia & à ceteris attributis accidentibus ipsis sit ens quoddam bonum, vero sit passio entis, sit, ut res creata bona sit per essentiam suam, saltem bonitate imperfecta, & subinde ut non sit proprium Dei esse bonum per essentiam.

Ad evidenter huius difficultatis sciendum est, hic esse sermonem de bonitate actu, quæ solum conuenit rebus, dum actu habent esse in rerum natura. Supradictum autem quæst. 3. artic. 4. disputatione ostendimus, omne productum recipere à sua causa producente non solum existentiam, sed etiam essentiam in actu entitatiu sub existentia. Itaque ante productionem, neque essentia erat in rerum natura, neque existentia, sed utrumque accipit esse à causa efficiente, essentia quidem tamquam terminus primarius per se productus, existentia, vero tamquam terminus secundarius comproductus ad productionem essentiae: quare ante productionem neutrum est in actu entitatiu, licet essentia vero prædicta essentia & necessaria tribuamus, quia propositio, quia tribuuntur, solum de notat subiectum suapte natura vindicare sibi prædicatum, siue extrema accepit iam à suis causis essentias, quarum vim alteri tribuum siue non, & siue essentia illa existant, siue non existant.

*Redditur causa.*

Hoc præhabito idcirco solum Deus dicitur bonus per essentiam, etiam secundo modo ex duobus paulo ante explicatis: quoniam cum existat per suam essentiam formaliter, utique ut ex sua essentia independenter à quocumque alio habet esse in actu entitatiu, ita ex sua essentia independenter à quocumque alio habet, quod sit bonus: res vero creata, quoniam essentiam in actu entitatiu sub existentia habent dependenter, cum à causa efficiente, à qua taliter essentiam accipiunt, cum etiam ab existentia sub qua illam ita accipiunt, non dicuntur bona per essentiam suam, sed per participationem à causa efficiente, à qua accipiunt essentiam in actu entitatiu sub existentia, & simul dicuntur bona per existentiam tamquam per cōditionem requisitam, ut sint in actu entitatiu, & subinde ut habeant bonitatem actu. Non tamen est negandum res creatas, quando existunt, esse bona, non solum bonitate existentia, sed etiam, in modo magis bonitate essentia. Quæstione namque 4. art. 1. disputatione 2. ostendimus, ab essentia, quo ad perfectionem ac bonitatem, superari existentiam. Quando ergo Christus Dominus Matthæi cap. 19. dixit, *Vnus est bonus Deus.* Et Marci 10. ac Lucæ 18. dixit, *Nemo bonus, nisi unus Deus,* quo multi Patres interpretantur de bonitate per essentiam (per participationem namque ex eisdem Scripturis Sanctis confortat, cuncta, quæ Deus fecit, esse valde bona, multo que viros iustos, Sanctos, & bonos esse bonitate morum) tantum voluit significare, solum Deum habere bonitatem à sua essentia, independenter à quocumque alio, à quo illam participet, aut à quo quasi compleatur & dependeat: res vero creatas nullam bonitatem quantumcumque incompletam & imperfectam habere actu, nisi

A per participationem à Deo, & dependenter ab existentia tamquam à conditione requisita, ut eam habeat. Vnde Anselmus testimonium Matthæi citatū exponit de bonitate ex se: eò quod solus Deus ex se habeat bonitatem, reliqua vero bonitatem & essentiam habent per participationem à Deo. Eodem modo exponunt locum illum Hieronymus in illud ad Ephesios 3. *Huius rei gratia electi genua mea.* Cœlestinus primus epistola 1. ad omnes Episcopos Gallicæ cap. 5. & alij Patres. Atque in eodem sensu Dionysius 4. cap. de diuinis nominibus ait, *Deum essentia sua & per se esse bonum: alia vero per participationem à Deo.* Ad difficultatem ergo motam dicendum est, solum probare creature, dum existunt, partim ab essentia habere bonitatem in actu, dependenter tamen à Deo, à quo illam participant: partim ab existentia, quod tamen non est habere bonitatem per essentiam ad sensum explicatum. Parum differunt ab hac expositione Caetanus hoc loco articulo 4. & Ferrariensis 1. contra gentes capite 2. 5.

## QVÆSTIO VII.

De infinitate Dei.

## ARTICVLVS I.

*Vtrum Deus sit infinitus.*

**P**ossumus tractatum de perfectione diuinæ conuenientissime subiicit disputationem de ipsis infinitis. Quæstio vero propria non est de infinito quad durationem, neque quo ad quantitatem molis (que in Deo non est) sed perfectionis: quare sensus est, vtrum Deus quo ad suam essentiam sit infinita perfectionis essentialis, ac subinde infinita bonitas: in his namque, quia mole magna non sunt idem est aliquid esse maius, & melius, ut Augustinus 6. de Trinitate ca. 8. ait. Infinitum vero non sumitur hoc loco priuatiuē, pro eo quod certus termino, quem sit natura habere: sed negatiuē, pro eo quod non habet terminum.

Conclusio. Nemp̄ Deum esse infinitum, est de fide. Patet ex illo Psalmi 144. *Magnitudo eius non est finis.* Baruc 3. *Magnus est, & non habet finem, excessus & immensus.* In symbolo Athanasiū à Concilio Florentino in constructione Armenij approbato, *Immensus Pater, immensus Filius, &c.* In Concilio Lateranensi sub Innocentio 3. cap. firmat. de summa Trinitate, & fide Catholica. *Vnus solus est verus Deus, immensus & incommunabilis, incomprehensibilis, omnipotens, &c.*

Quamquam pulchritudo & perfectio tot tantumque creaturarum, quas Deus condidit, maximam quamdam, atque admirabilem pulchritudinem & perfectionem appetit in suo conditore esse testetur, ut latè q. 2. art. 3. explanatum est: plerique tamen credunt infinitatem diuinæ essentie nondum rationibus naturalibus esse demonstratam, sed tantum fide, ut rem certam teneri. Referam ergo probabiliores rationes, quæ ad hanc conclusionem comprobandam afferi solent.

Prætermissa autem ratione Aristotelis 8. Physicorum, quæ ex æternitate motus nititur probare infinitatem diuinæ essentie, in qua parum probabilitatis esse puto, licet à multis, ut demonstratio defendantur, atque inter alios à Caetano in suo tractatu de infinitate Dei.

Prima ratio est D. Thomæ hoc loco, quæ ex eo, quod